



Broj : 10/E-11-⁴⁸⁴⁹724
Sarajevo: ¹⁸-07-2024 godine

Na osnovu člana 10a. tačka b) i člana 18. stav (2) Zakona o javnim nabavkama („Službeni glasnik BiH“, broj 39/14 i 59/22) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa zahtjevom Službe za zajedničke i tehničke poslove od 15.07.2024. godine, Općinski načelnik d o n o s i :

O D L U K U

o izuzeću od primjene Zakona o javnim nabavkama

Član 1.

Od primjene Zakona o javnim nabavkama izuzimaju se usluge pružanja digitalnog TV signala i programa.

Član 2.

Procijenjena vrijednost usluga iz člana (1) ove odluke iznosi 852,00 KM, a sredstva su planirana u Budžetu Općine Centar Sarajevo za 2024.godinu, na budžetskom kontu: 821300. JRJN: 92224000-7 Digitalna televizija

Član 3.

Pravni osnov za donošenje odluke o izuzeću od primjene su odredbe Zakona o komunikacijama („Službeni glasnik BiH“, broj: 31/03,75/06,32/10 i 98/12), te podzakonski propisi koji regulišu predmetnu oblast u nadležnosti Regulatorne agencije za komunikacije BiH. Usluge iz člana 1. ove Odluke će pružati ovlaštenu operater „TELEMACH BiH“ d.o.o. Sarajevo.

Član 4.

Ova Odluka odluka stupa na snagu danom donošenja i ista će biti objavljena na web stranicu Općine Centar Sarajevo.

O b r a z l o ž e n j e

Na osnovu zahtjeva Službe za zajedničke i tehničke poslove od 15.07.2024. godine u vezi donošenja odluke o izuzeću za usluge pružanja digitalnog TV signala i programa, Kabinet općinskog načelnika – Odsjek za javne nabavke predlaže donošenje iste.

Članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10a. tačka b) stav (5) Zakona o javnim nabavkama, propisana su izuzeća od primjene odredbi ovog zakona, gdje je definisano:

Ovaj zakon ne primjenjuje se na ugovor o javnoj nabavci usluga za:

a) sticanje, najam ili zakup, bilo kakvim finansijskim sredstvima, zemljišta, postojećih građevina ili druge nepokretne imovine ili prava koja se njih tiču;

b) sticanje, razvoj, produkciju ili koprodukciju programskog materijala namijenjenog za audiovizualne medijske usluge ili radijske medijske usluge koje dodjeljuju pružatelji audiovizualnih ili radijskih medijskih usluga, ili na pružanje usluga radiotelevizijskog ili programskog emitiranja koji su dodjeljeni pružateljima audiovizuelnih ili radijskih usluga.

1) pojam „audiovizuelna medijska usluga“, „medijska usluga radija“ i „program“, imaju značenje utvrđeno u propisima iz oblasti emitovanja;

2) pojam „program“ uključuje i radijske programe te materijale za radijske programe, a pojam „programski materijal“ ima isto značenje kao i pojam „program“.

Predmetne usluge se mogu obezbijediti od ovlaštenog operatera „TELEMACH BiH“ d.o.o. Sarajevo, koji ima dozvolu Regulatorne agencije za komunikacije BiH za tv emitovanje putem drugih elektronskih komunikacijskih mreža, te posjeduje nacionalnu mrežnu dozvolu za područje svih općina u Bosni i Hercegovini i dozvolu za usluge digitalne televizije u mreži.

Kako je ovlašteni operater „TELEMACH BiH“ d.o.o. Sarajevo vodeći domaći provajder digitalne i analogne kablovske televizije, koji pruža usluge širokopojasnog interneta i najveći alternativni pružatelj usluga fiksne telefonije na području Bosne i Hercegovine, pokreće se predmetna nabavka.

Pravni osnov za donošenje odluke o izuzeću od primjene Zakona o javnim nabavkama su odredbe Zakona o komunikacijama („Službeni glasnik BiH“, broj: 31/03,75/06,32/10 i 98/12), te podzakonski propisi koji regulišu predmetnu oblast u nadležnosti Regulatorne agencije za komunikacije BiH. Procedura izuzeća će početi danom potpisivanja ove Odluke, a ovlašteni operater TELEMACH BiH d.o.o. Sarajevo će dostaviti ponudu/predračun za nabavku predmetnih usluga, na osnovu zahtijevane specifikacije, i sa istim će se zaključiti ugovor.

Za praćenje i realizacije ove Odluke zadužena je Služba za zajedničke i tehničke poslove.

Analizirajući predmetni zahtjev, utvrđeno je da su ispunjene pretpostavke za realizaciju navedenih usluga, odnosno da su finansijska sredstva za ove namjene obezbijeđena u Budžetu Općine Centar za 2024. godinu, na budžetskom kontu: 821300.

Shodno zakonu i općim aktima Općine, Opštinskom načelniku dostavlja se prijedlog Odluke o izuzeću od primjene Zakona o javnim nabavkama.

Cijeneći prethodno navedeno donesena je Odluka kao u dispozitivu.



Dostaviti:

1. Službi za zajedničke i tehničke poslove
2. Kabinetu općinskog načelnika - Odsjeku za javne nabavke,
3. Službi za finansije,
4. Evidenciji